

# ADOLAT

O'zbekiston «Adolat» sotsial-demokratik partiyasi

IJTIMOY-SIYOSIY GAZETA

info@adolatgz.uz • www.adolatgz.uz • www.adolat.uz • № 25 (985) • 2014-yil, 20-iyun, juma

## ➤ Қўшма корхоналар

Мамлакатимизда жаҳон бозорига харидоргир ва рақобатбардош маҳсулотлар ишлаб чиқариш бора-сида амалга оширилаётган ишлар юксак самаралар бермоқда. Мавжуд корхоналар техник ва технологик модернизация қилиниб, соҳага хорижий инвестициялар кенг жалб этилаётгани бу борада муҳим аҳамият касб этаётир.

Президентимиз Ислон Каримов раҳнамолигида санат, ишлаб чиқариш, транспорт-транзит ва ижтимоий инфратузилмани ривожлантиришга алоҳида эътибор қаратилмоқда. Бунда давлатимиз раҳбарининг 2008 йил 2 декабрда қабул қилинган "Навоий вилоятида эркин индустриал-иқтисодий зона ташкил этиш тўғрисида"ги фармони муҳим дастуруламал бўлаётир.

Ушбу ҳужжатга мувофиқ, вилоятда ташкил этилган эркин индустриал-иқтисодий зонада замонавий юқори технологияли ишлаб чиқаришни йўлга қўйиш учун хорижий инвестициялар жалб этилиб, жаҳон стандартларига жавоб берадиган маҳсулот ишлаб чиқарилмоқда.

Бу ерда Жанубий Корея, Хиндистон, Хитой, Сингапур каби давлатлар иштирокидаги қўшма корхоналар фаолият юритмоқда. Худуддаги ишлаб чиқариш объеклари томонидан автомобиллар учун газ баллонлари, эҳтиёт ва бутловчи қисмлар, юқори кучлинишга чидамли электр кабеллари, полиэтилен ва полипропилен қувурлар ҳамда аҳоли саломатлиги учун зарур бўлган гигиеник воситалар тайёрланаётир.

"Навоий" эркин индустриал-иқтисодий зонасида Ўзбекистон-Жанубий Корея ҳамкорлигида тузилган "UzEraeCable", "UzAlternator", "Ko-UNG cylinder", "Navoiy beauty cosmetics" заводлари муваффақиятли фаолият кўрсатмоқда. Ушбу қўшма корхоналар томонидан автомобиллар учун турли кабель ва симлар, генератор ва бошқа эҳтиёт қисмлар, газ баллонлари, шунингдек, косметика маҳсулотлари ишлаб чиқарилаётир. Навоий халқаро аэропорти худудида ташкил этилган халқаро интермодал логистика маркази орқали "Ўзбекистон ҳаво йўллари" ва "Korean Air" ҳамкорлигида жаҳоннинг турли давлатларига юк ташиш амалга оширилмоқда.



Спирок АСЛОНОВ (ў.А) олган сурат

## Эҳтиёт қисмлар ўзимизда ишлаб чиқарилмоқда

Худудда фаолият кўрсатаётган "UzEraeCable" Ўзбекистон-Жанубий Корея қўшма корхонаси 2009 йилда ташкил этилган бўлиб, автомобиллар учун 39 турдаги кабель ва симлар ишлаб чиқаради.

— Асосан "GM-Uzbekistan", "SamAuto", "UzKoje" қўшма корхоналари учун маҳсулот тайёрламоқдамиз, — дейди корхона директори Шерзод Умаров. — Йилига турли

ўлчамдаги 130 минг километрлик кабель ишлаб чиқариш қувватига эга корхонамизда жорий йилнинг ўтган беш ойи давомида 47 минг километр шундай маҳсулот ишлаб чиқарилди. Маҳаллийлаштириш дастурига асосан "Chevrolet Cobalt" автомобили учун аккумулятор жгуллари ишлаб чиқариш ўзлаштирилди. Натижада хориждан импорт қилинадиган мазкур эҳтиёт қисм шу ернинг ўзида тайёрланмоқда. Ишлаб чиқаришда банд бўлган юз нафар ишчи-ходимнинг асосий қисми ёшлардир.

Корхонада самарали меҳнат қилиш учун барча шароит яратилган.

— Бу ерда биз, ёшларга яратилган шароитлардан мамнунмиз, — дейди корхона йиғиш линияси ишчиси Муҳаммадали Турдиев. — Навоий информатика ва электрон саноат касб-хунар коллежини битирганман. Ишчилар учун иссиқ овқат, махсус транспорт воситаси ташкил этилган.

Нуриддин РАХИМОВ,  
ЎзА мухбири

## Ўзбекистон Республикаси Президенти Ислон Каримов Жаноби Олийларига

Жаноби Олийлари!

"Ўрта асрлар Шарқ алломалари ва мутафаккирларининг таърихий мероси, унинг замонавий цивилизация ривожига роли ва аҳамияти" мавзусидаги халқаро илмий конференция муносабати билан Ўзбекистонга ташрифим давомида менга кўрсатилган ҳурмат-эҳтиром ва меҳмондўстлик учун Сизга чин дилдан самимий миннатдорлик изҳор этишга руҳсат бергайсиз.

Сиз билан бирга ушбу гоят муҳим конференциянинг очилиш маросимида иштирок этиш мен учун улкан шараф бўлди. Анжуман юксак савияда ташкил этилгани ва теран мазмунли маърузалар билан мени хайратга солди. Айниқса, Сизнинг нутқингиз менда катта таассурот қолдирди. Ўрта асрларда Шарқнинг буюк алломалари ва мутафаккирлари қилган кашфиётлар, бугунги кунда Сизнинг раҳнамолигингизда илм-фан ва таълим соҳасида эришилаётган улкан ютуқ ва марралар ҳақида жуда кўп фойдали маълумотга эга бўлдим.

Ўзбекистонга қисқа ташрифим давомида Халқаро куёш энергияси институти, Ботаника боғи, Тошкент ирригация ва мелiorация институти, Алишер Навоий номидаги Миллий кутубхонада бу ютуқларнинг айримлари билан бевосита танишдим. Олимлар ва илм-фан арбоблари билан фикр алмашиш, мулоқотлар асносида Ўзбекистонда илм-фан ва таълимни ривожлантиришга катта эътибор қаратилаётганига, ўрта асрлар Шарқ олимларининг илмий анъаналарини давом эттирган ҳолда, чуқур билим ва тафаккур мамлакатингиз келажагини таъминлашга йўналтирилаётганига амин бўлдим. Фурсатдан фойдаланиб, Сиз, Жаноби Олийларига, ушбу эзгу ишларга раҳбарлик қилаётганингиз ва бу борадаги саъй-ҳаракатларингиздан хайратга тушганимни яна бир бор изҳор этмоқчиман.

ЮНЕСКО Ўзбекистон билан доимо ҳар томонлама яқин ҳамкорлик қилиб келган. Мамлакатингизда ўтказилган самарали мулоқотлардан сўнг Ўзбекистон ва ЮНЕСКО ўртасида барча соҳаларда ўзаро манфаатли ҳамкорлики бундан-да мустақамлаш учун улкан имкониятлар мавжудлигига ишончим янада ошди.

Жаноби Олийлари, самимий миннатдорлигим ва чуқур ҳурматимни қабул қилгайсиз.

Ҳурмат билан,

Хурбат ГИЗЕН,  
ЮНЕСКО Бош директорининг ўринбосари,  
Осиё ва Тинч океани мамлакатларидаги  
илм-фан бўйича минтақавий ваколатхонаси директори

## Масъулият ва фаоллик — ютуқлар гарови

### ➤ Минтақавий семинар

Сиёсий партиялар учун том маънода синов даври бошланди. Зеро, шу йилнинг декабрь ойида Ўзбекистон Республикаси Олий Мажлиси Қонунчилик палатаси ва халқ депутатлари маҳаллий Кенгашига бўлиб ўтадиган сайловлар тобора яқинлашмоқда. Партиянинг муваффақияти шубҳасиз, тарғибот ишининг қай даражада тўғри ва самарали ташкил этилишига, сайловчилар ишончи қай даражада оқланганлигига боғлиқ. Шу билан бирга ҳозирдан оқ маҳаллий вакиллик органларидаги партия гуруҳлари фаоллигини ошириш, партия ташкилотлари аъзоларининг сиёсий-ҳуқуқий билимларини янада мустақамлаш, бўлғуси сайловлар учун муносиб номзодларни танлаш, уларни мазкур муҳим сиёсий жараёнга тайёрлаш устувор вазифа бўлиб қолмоқда.

3 ➤

## Чинакам сиёсий куч

халқ иши, Ватан тараққиёти билан нафас олади

### ➤ "Адолат"нинг адолатли аёллари



2014 йилнинг "Соғлом бола йили" деб номланиши биз тиббиёт ходимлари зиммасига янада кўпроқ масъулият юклатди. Зеро, соғлом бола тарбияси соғлом онага, улар саломатлигини муҳофаза қилиш эса тиббиёт ходимларига боғлиқ.

3 ➤

## Фуқароларнинг ҳуқуқлари

янги қонунлар орқали мустақамланмоқда

### ➤ Фракция йиғилиши

Олий Мажлис Қонунчилик палатасидаги Ўзбекистон "Адолат" сotsial-демократик партияси фракциясининг навбатдаги йиғилишида "Инвестиция фаолияти тўғрисида"ги Ўзбекистон Республикаси қонунига ўзгартиш ва қўшимчалар киритиш тўғрисида"ги қонун лойиҳаси биринчи ўқишда атрофлича муҳокама қилинди.

2 ➤


## Ижтимоий аҳамиятга молик қонунлар муҳокамаси

Ўзбекистон Республикаси Олий Мажлиси Қонунчилик палатасининг навбатдаги мажлиси бўлиб ўтди. Унда депутатлар жамиятимиз ҳаётининг турли соҳаларидаги фаолиятнинг ҳуқуқий негизини янада такомиллаштиришга қаратилган қатор долзарб қонун лойиҳаларини кўриб чиқдилар.

2 ➤

## Ясситовонлик: МУАММО ВА ЕЧИМ «Адолат» СДП эътиборида

7 ➤



## Сиёсий билим ва амалий тажриба

иш самарасини оширади

### ➤ Сиёсий ўқув

"Ўзбекистон темир йўллари" ДАКга қарашли Қуюв механика заводи қошида тузилган БПТ Ўзбекистон "Адолат" СДП Тошкент шаҳар кенгашининг энг йирик қўйи тузилмаси саналади. Бугунги кунда ушбу бошланғич ташкилот аъзолари сони 350 нафарни ташкил этади. Нафақат ўзининг сони, балки салоҳиятли фаоллари билан

ажралиб турадиган мазкур партия ташкилоти жорий йил охирида бўлиб ўтадиган сайловлар жараёнида партиянинг таянчига айланиши шубҳасиз. Зеро, бошланғич партия ташкилоти аъзолари учун мунтазам равишда ўтказиб келинаётган сиёсий ўқувлар, семинар ва давра суҳбатларида тўпланаётган билим ва тажрибалар бунга замин бўлиб хизмат қилади.

5 ➤













